

PROCESVERBAL
Nga Kuvendi i Gjashtë i Komunitetit Shqiptar të Gjenevës,
i mbajtur me 17 nëntor 2018 në Gjenevë, Ecole d'Onex-Parc - Cinéma
Théâtre d'Onex

Prezent, anëtarët e kryesisë: Ali Mehmeti, Fadil Avdija, Fadil Selmani, Nebi Hyseni, Afërdita Krasniqi, Lutfi Rexha, Blerim Ibrahimimi, Skënder Svarqa, Lah Jashari dhe Nasuf Nuhiu.

Po ashtu në sallë janë të pranishëm edhe rreth 40 persona tjerë, anëtarë të Komunitetit Shqiptar të Gjenevës.

Mbledhjen hapi kryetarja e Komunitetit Shqiptar të Gjenevës (KShGj) znj. Afërdita Krasniqi duke i përshëndetur të pranishmit dhe duke propozuar rendin e ditës që u ishte dërguar anëtarëve të KShGj-së tre javë përpara me postë elektronike:

REND DITE

1. Aprovimi i procesverbalit nga Kuvendi i pestë;
2. Paraqitja e raportit të punës për periudhën ndërmjet dy kuvendeve, diskutimi dhe aprovimi;
3. Paraqitja e Bilancit financiar për vitin 2017 dhe paraqitja e raportit të verifikuesve të kontos për të njëjtin vit, diskutimi dhe aprovimi;
4. Plotësimi i kryesisë me anëtarë të rinj dhe delegimi nga shoqatat tjera (neni 16, pika g) e Statutit tonë;
5. Zgjedhja e verifikuesve të kontos për vitin 2018
6. Përcaktimi i lartësisë së anëtarësisë;
7. Të ndryshme
8. Fjalë rasti nga të ftuarit

Ky rend dite u aprovua njëzëri dhe u kalua në pikën e parë.

1. Aprovimi i procesverbalit nga Kuvendi i Pestë

Procesverbali nga Kuvendi i Pestë i është dërguar të gjithë anëtarëve të KShGj-së paraprakisht ashtu që kanë pas mundësinë ta lexojnë më herët. Nuk pati asnjë vërejtje, ashtu që PV u aprovua njëzëri.

2. Paraqitja e Raportit të punës, diskutimi dhe aprovimi

Kryetarja e KShGj znj. Afërdita Krasniqi, paraqiti raportin e punës që përfshin periudhën ndërmjet dy kuvendeve, respektivisht nga 5 maji 2017 gjer më 4 maj 2018. Të pranishmëve në sallë iu është paraqitur në ekran me video-projektor. Anëtarëve të komunitetit i u është dërguar paraprakisht me postë elektronike ashtu që kanë pasur mundësinë ta lexojnë më herët. Nuk pati asnjë vërejtje dhe Raporti i punës u aprovua njëzëri.

3. Paraqitja e raportit financiar, diskutimi dhe aprovimi

a) Arkëtari, Nasuf Nuhiu, paraqiti Raportin financiar për vitin 2017. Anëtarëve të komunitetit i u është dërguar paraprakisht me postë ashtu që kanë pas mundësinë ta shikojnë më herët. Nuk pati asnjë vërejtje dhe raporti u aprovua njëzëri.

b) Verifikuesit e kontos, të emëruar në Kuvendin e Katërt, Ismet Kurteshi, Rifat Haxhijaj dhe Ilir Sahiti, paraqitën raportin e tyre të shkruar dhe nënshkruar për vitin

2017. Ata konstatuan se raporti financiar është në përputhje me Statutin e shoqatës dhe ligjin, prandaj i propozuan Kuvendit ta aprovojnë. Raporti u aprovua njëzëri.

4. Plotësimi i kryesisë me anëtarë të rinj dhe delegimi nga shoqatat tjera (neni 16, pika g) e Statutit tonë;

Edhe pse ka disa shoqata që nuk kanë përfaqësues në KShGj ata nuk shprehen interesim ti bashkëngjiten KShGj-së.

Në krahasim me përbërjen e kaluar të kryesisë së KShGj nga anëtarët është tërhequr Skënder Svarqa, kurse në këtë kuvend është propozuar dhe pranuar Arbërie Fejzi. Pra, anëtarët aktual të kryesisë së KShGj-së janë:

1. Afërdita Krasniqi,
2. Ali Mehmeti,
3. Fadil Avdija,
4. Fadil Selmani,
5. Lah Jashari,
6. Lutfi Rexha,
7. Nasuf Nuhiu,
8. Nebi Hiseni,
9. Arbërie Fejzi,
10. Blerim Ibrahimimi,
11. Naser Islami

5. Zgjedhja e verifikuesve të kontos për vitin 2018

Për verifikues të kontos janë propozuar nga publiku z. Ilir Sahiti, z. Rifat Haxhiu dhe z. Ismet Kurteshi kurse u vetëpropozua z. Xhavit Islami. Propozimi u aprovua njëzëri.

6. Përcaktimi i lartësisë së anëtarësisë,

Edhe pse ka pasur diskutime dhe mendime të ndryshme, megjithatë u vendos me shumicë votash që anëtarësia të mbetet 100fr në vit për familje. Përgjatim bëjnë familjet që janë në asistencë sociale, personat në pension invalidor dhe studentët që janë në Gjenevë pa familje; anëtarësia për ata do të mbetet 20fr në vit.

7. Të ndryshme

Nuk pati asnjë ndërhyrje në këtë pikë.

8. Fjalë rasti nga të ftuarit

Si zakonisht Konsulli i përgjithshëm i Republikës së Kosovës në Gjenevë z. Ramadan Avdiu edhe kësaj radhe përshëndeti të pranishmit me një fjalë rasti.

Pas përfundimit të punimeve të pranishmit vazhduan shkëmbimin e mendimeve të përcjell me një aperitiv.

Procesmbajtës
Fadil Avdija

Kryetare
Afërdita Krasniqi